

екенін біз білмейміз.

«麒麟» «цилинь» қытай сөзі 凤凰 «феникс» сөзі секілді екі буынды сөз «麟» «жалғыз мүйіздің ері» және «麒» «жалғыз мүйіздің әйелі» сөздерінен тұрады. «麟» бір буынды сөзі «цилинь» мағынасында жиі қолданылады.

Бұл мифтік жануар бақыт әкелуші болып саналған, бейбітшілік, тыныштық пен гүлденуді белгілейді. Цилинь адамға өте сирек кездеседі, ол бірнеше жұз жылдықта бір рет пайда болады және аныз бойынша, бұл жақын аралықта дананың туылатынын білдіреді. Халық арасында болған Цилинь күлті болашакта дана әрі игілікті адам болуы тиіс балалардың, ұлдардың туылуына үміт артумен байланысты болды. 天上石麟- tian shang shi lin сөзбе-сөз «аспанның тас цилині» - бір адамның баласын мактау, жақсы баға беру.

学如牛毛, 成如麟角 - xue ru niu mao, cheng ru lin jiao «ғалымдар көп, талаптылар аз» (сөзбе сөз «білім алушылар бұқаның жүніндей, нәтижеге қол жеткізетіндер цилинь мүйізіндей»).

Тасбақа – ең ежелгі заманнан бері өмір сүріп келе жатқан шынайы әрі киелі жануар (тасбақаның сүйегіне жазылған ильдік бал ашу жазбалары б.з.д. XVII – XI ғғ.). Қытайлардың дәстүрлі көзқарасында тасбақа әлемді реттеудің негізгі сызбасын, әлемнің өзіндік тірі моделін білдіреді. Тасбақаның бойына барлық ғаламшар сыйып кетеді. Оның басы оңтүстікке, құйрығы солтүстікке, аяқтары шығыс пен батысқа қарап тұрады. Оңтүстікке от, жылқы мен жылан белгілері, қызыл тұс сәйкес келеді; солтүсік – бұл су, шошқа және тышқан, тұсі қара; шығыс – ағаш, жолбарыс және қоян, тұсі көкшіл (жасыл); батыс – металл, қораз және маймыл, тұсі – ак. Ежелгі қытайлар жер тасбақаның арқасында жатыр деп ойлаған, сондықтан ол космостық тере-тәндіктің әрі әлемдік үйлесімнің символы болып саналған. Бұдан бөлек тасбақа – даналықтың, білім мен ғылымның, ұзақ өмір сүрумен шыдамдылық белгісі /5, 12-21/.

乌龟有肉 - 在肚里 - wugui you rou- zai du li «ішкі мазмұны бай болу»; «жақсы адамның мейірі – ішінде» (сөзбе-сөз «тасбақаның еті бар ішінде») **跛鳖千里-** bo bie qian li «барлық киындықтан етіп, жетістікке жету» (сөзбе-сөз «қақсақ тасбақа ұзындығы мың шақырым қашықтықты жүріп етті»).

Тіл үйрену барысында берілген елдің ұлттық және мәдени ерекшеліктерінен хабардар болу керек. Қытай тілін үйренуде құрамында ұлттық нақыштагы өсімдіктер мен жануарлардың атаулары кездесетін мақалдарды зерттең, білу қытай мақалдарының бай сөздік қорын игеруге мүмкіндік береді.

1. Сад камней: мудрость Китая и Японии/ [пер. с кит. И.Э. Циперович, пер. с яп. А.М. Кабанова]. - СПб.: Паритет, 2003. - 317 с.: ил.

2. Корнилов О.А. Жемчужины китайской фразеологии// О.А. Корнилов. - М.: ЧеRo, 2005. - 335 с. : ил., портр. - Библиогр.: с. 330-332.

3. Мельникова Е.В. Китай: Поднебесная империя// Культура и традиции народов мира (этнопсихологический аспект)/ Е.В. Мельникова. - М. : Диалог культур, 2006. - С. 195-209; То же [Электронный ресурс]. – URL:

4. 60 рассказов о китайских поговорках: [учеб. пособие]/ [сост. Шэнь Цзюнь, Ма Ханьминь]. - М. ACT: Восток-Запад, 2008. - 224 с. (Разговорный китайский).

5. Войцехович И.В. Фразеология китайского языка: пословицы// Филол. науки в МГИМО: сб. науч. тр./ Моск. гос. ин-т междунар. отношений (ун-т) МИД России. - 2004. - № 18. - С. 12-21.

В данной статье рассматриваются животные и растения свойственные китайской культуре и часто встречающиеся в китайских и пословицах и поговорках. Статья дает возможность познакомиться с одной из необычных граней китайской культуры и имеет практическое значение.

In given article it is spoken about plants and animals which are often used in proverbs and sayings and take the important place in language and culture of China. Article gives representation about an unusual side of the Chinese culture.

Ө. Құмісбаев, З. Ажибекова

НАУАИ ЖӘНЕ БАБЫР РУБАИЛАРЫНДАҒЫ ҮНДЕСТИК

Бізге белгілі Шығыстың классикалық әдебиетінің есепі алған салалы болып келеді. Шығыс шайырлары бұл жолда шабыт шумақтарын шебер нақыштай білген. Ақындар адамзат тағдыры, өмір өткелдері туралы пікір-

лерін әр түрлі лирикалық жанрлар арқылы жеткізеді. Шығыстың поэзиясы лирикалық жанрларға бай. Бұл жанрлар мазмұны және құрылышы жағынан өзіне тән ерекшеліктерге ие.

Түркі әлемінде рубайдың түрленуі және

шығу тарихы әлі де толық зерттелмеген. Бұл мәселе бойынша ғалымдардың пікірлері бірдей емес. И.С. Брагинский, Р. Ходизода, Р. Амонов, А. Хакимов сияқты тәжік әдебиеттандышылары рубай түрі парсы-тәжік фольклорында пайда болған деген пікір білдіреді. Мұндай пікір ағылшын шығыстанушысы Э. Браун тарапынан да айтылған. Е.Э. Бертельс бұл туралы: «Әдете орта ғасыр дарий тілі әдебиетінде үйқастың пайда болуы араб әдебиетінің әсерінен», - дейді. Шұбесіз, араб халифатының қол астындағы халықтардың мәдениетіне араб тілі мен әдебиетінің таралуы және әсер ықпалы тиғені тарихи факті екені анық.

Бірақ жұптық ұқсастықтар (яғни, төрт тармағы да үйлескен) арабтарға белгісіз, оларға рубай да сол сияқты мәлім емес. Рубай ерте заманнан бері Орта Азиядағы түркі халықтар фольклорының сүйікті жанры болып саналып келген.

Ғалым Е.Э. Бертельс өз пікірін және де тереңдетіп анық дәлелдермен толықтырып отырады: «Махмұт Қашқаридың «Диуани лұғат ат түрік» сөздігі XI ғасырдың екінші жартысында жазылған. Әдеби мұрадағы өлеңдер, эпикалық шығармалардан үзінділер үйқаспен жазылған. Енді мынадай сұрақ туады: Иран халықтарында осы екі әдебиеттің көбірек таралғаны қайсысы? – араб әдебиеті ме немесе түркі халықтарының аузызекі әдебиеті ме? Біздің ойымызша, жауап анық сияқты: араб тілі Орта Азия халықтарының арасына толық сіңе алмаған. Ол әрдайым өзге тіл болып қалған. Түрлі түркі халықтар тілдері тәжік аймагы арасында кең таралғаны мәлім. Бұл ерте замандарға барып тірелетін тамырларға ие деп есептеу керек? /1, 52/.

Е.Э.Бертельс бұл жерде бір ақиқатты айқын көрсеткен. Сондықтан оның пікірлері, кейінгі ғылыми зерттеулерде бекітіліп, жаңа-жаңа фактілермен байытылған. Бұл жағынан филология ғылымдарының докторлары Э.Рустамов, М.Юнусов, М.Хамраевтардың жұмыстарын айрықша атауға болады. Біздіңше, Е.Э.Бертельстің ұсынған тезисі дұрыс.

Парсы-тәжік әдебиетінің қасида (қасыда), қыта, мәснәуи сияқты өлең формалары X ғасырда шарықтау шегіне жеткен. Бұл жанрдың ең алғаш туындылары Абу Абдаллах Рудаки шығармаларында кездеседі. Рубай формасы X ғасырда парсы-тәжік аузызекі және жазба әдебиетінде қалай еді? Тәжік әдебиеттандышылары бұл сұраққа анық жауап беру киын екендігін айтады. Олардың рубай генезисінде деген көзқарастары анық дәлелдерге ие емес.

IX ғасырдан алдында парсы-тәжік әдебиетінде рубай формасы ұшыраспайды. Түркі

халықтар аузызекі поэзиясында ерте кездерде-ак рубаига ұқсас өлең өрнектері болған, ал парсы-тәжік әдебиетіне бұл өлең өрнектері кейін жеткен. Бұған, әрине, Е.Э.Бертельс айтқандай, түркі фольклорының әсері болған. Түркі халықтар фольклорында рубай формасының ең ескі үлгілері бізге дейін Махмұт Қашқаридің «Диуани лұғат ат түрік» атты еңбегі арқылы жеткен. Демек, рубай формасы түркі халықтар әдебиетінде ертеден келе жатқан дәстүрлі үрдіс болып табылады.

Мазмұн жағынан болсын, формальды белгілері жағынан болсын рубай жанрын түркілік ортада шарықтау шегіне жеткізіп, артына асыл мұра ретінде мінсіз төрттағандар қалдырған Әлішер Науай мен Захир аддин Бабыр еді. Рубай өз ішіне әртүрлі тақырыптарды қамти отырып, негізінен, тәлім-тәрбие, филосо-фиялық, әлеуметтік, көңіл қүй, саяси тақырыпта жазылған. Бұл түргыдан Науай және Бабыр рубайларының үндестіктері өте көп. Осы ойымызды нақтылай түсін Науайдың мына мысалын келтірейік:

Фурбатда ғаріб шодмон булмас эмиш,
Эл анга шағиқу мөхрибан булмас эмиш.
Ол тун қағас ичра гар қызил гул бутса,
Булбұлға тикондек ошиён булмас эмиш. /2, 754/

Жолма–жол аудармасы:

Жат елде, жат жұртта өмір сүрген мұсәпір
еш уақытта қөңілді жүрмейді екен,
Ботен ел оған қамкор, мейірімді болмайды екен
Алтын тордың ішіне гүл қойып, бұлбұлды
Соның ішіне салып қойса да
Бұлбұлға өз тікенегіндей ұя бола алмайды екен.

[Автор аудармасы]

1. Фурбат (шағатай тілінде) ғаріблиқ, яғни өз Отанынан алыста өмір сүру, біреулердің елі, жат жұрт.

2. Ғаріб – мұсәпір.

3. Шағиқ - қамкор

4. Ошиён – ұя, ін, құстың ұясы деген мағынада.

Төрттаған а-а-б-а түрінде үйлескен. Сонымен бірге өлеңнің жазылу тарихына үңілер болсақ, Науай әке-шешесі қайтыс болып тағдыр тәлкегіне кезігеді. Осындағы қыын-қыстау кезенде ақын өз ұясын өте сағынған, туған жеріне оралғысы келген бұлбұлға өзін тенейді. Төрттағанның негізгі сарыны – Отанға деген сүйіспеншілік. Сонымен бірге ақын Шығыс поэзиясына тән, дәстүрлі бұлбұл мен гүл бейнелерін қолданған. Өзін бұлбұлға теней отырып метафора әдісін шеберлікпен пайдалана білген. Мұнда «тадридж» тәсілі әртүрлі қайталанулар көмегімен жүзеге асып, өлеңде айтылар ойды негұрлым экспрессивті түрде

жеткізу үшін қолданған дегенге саяды. Рубайды «шодмон, меҳрибон, ошиён» сөздері граммати-калық формада тұрып, өзара үйқасады. «Булмас Эмиш» редифі 1-, 2-, 4- мисралардан кейін келеді. Демек, үйқас формалармен редиф көмегімен мисралар қайталанып отырған.

Осы орайда тағы бір Шығыстың майталман шайыры Бабырдың төрттағанын келтіре кетейік:

Ёд этмас эмиш кишини ғурбатда киши,
Шод этмас эмиш кунглұни меңнатда киши.
Кунглум бу ғариблиқда шод улмади ох
Ғурбатда севунмас эмиш албатда киши /3, 198/

Жолма-жол аудармасы:

Есіне алмайды екен кісіні жат елдеңі кісі,
Көңілі көтерілмейді екен азаптағы кісі
Көңілім бұл мұсәпірлікте көтерілмеді—ай шіркін,
Өзге елде куанышты қонілде жүре алмайды екен,
Эрине, кісі. [аударма автордікі]

Ең алғаш төрттағанның шығуна тоқталаібы. Бабыр он бір жасқа жеткенде яғни 1494 жылы әкесі Омар Шайх қайтыс болады да, ежелгі дәстүр бойынша яғни так әкеден балаға өтіп, Бабыр мемлекетті басқару барысында неше түрлі киыншылықтарға душар болады. Соның бірі Шайбаниханмен Бабыр арасындағы Самарқанд қаласындағы 1504 жылғы қанды шайқас еді. Шайқаста Шайбанихан жеңіп шығады. Женілген Бабыр енді Үндістанға қарай жолға шығады. Бабыр он екі мың әскерімен Дели патшасы сұлтан Ибраһим Лолидің он мың кіслік қолын женіп шығады. Сонымен, Үндістан Бабырдың екінші Отаны болды. Ол мұнда үлкен мәдени жұмыстар жүргізді, аса құрделі құрылыстар салды, елдің ең тандаулы ақындары мен ғалымдарын өз маңына топтады.

Дегенмен оның өмірінің соңғы кезі де қайғы-қасіретпен өтті /6, 147/.

Ең алдымен, ол өзінің туып-өскен жерін жастық шағын өткізген Мәуереннахрды сағынды. «Бабырнамеде» айтылуынша, Бабыр еліне қайтып бара жатқан жолаушыларға көзі мөлтілдеп, менен туған жеріме сәлем айта барындар деп, өзі бөлмесіне кіріп, көп уақыт шықпай, өлең жазып отырады екен. Соның бірі жоғарыда біз келтірген төрттаған еді. Рубаида өзге елде жүрген адам қандай сезімде болады, қандай күй кешеді?! Осыны шайыр керемет шеберлігімен өкірман жүргегіне жеткізе білген. Шындығында жат жүртқа жүрген адамның жүргегінде мұн жүреді. Көңіл күйі болмай, күлгісі де келмейді. Ол өздігінен ақиқат нәрсе. Сонымен бірге мисраларда «ғурбат» сөзі, яғни өзге ел, жат жүрт деген сөз екі рет және «кунгул», яғни қоніл екі рет, кісі сөзі төрт рет қайталанып келеді. Мұнымен шайыр өкүшшінде

басты назарын айтылмақ болған ойға аударады. Өлеңнің лирикалық кейіпкері туған жерін, елін елжірей сүйген жан. Төрттаған а-а-б-а ұлгісінде үйлескен руба формасы.

Бұл екі ақынның да төрттағандары үйқас жағынан керемет, мән-мағынасы терең жазылған. Олардың сарыны да айтпақшы болған ой пікірлері де бірдей. Ол - туған жер сағынышы, еліне деген құштарлық. Екі шайырдың осындағы туындыларын оқығанда жан тебірентер, адамды баурап алатын әсем әсерге бөлгенеміз. Адам баласы халқын, елін жүрткін, Отанын шын жүректен, шынайы махаббатпен сую керектігін үғынамыз.

Науай және Бабыр рубаиларындағы мұндағы үндестіктер өте көп. Соның айғағы ретінде тағы бір төрттағанды келтірейік:

Жондин сени куп севармен, әй умри азиз,
Сондин сени куп севармен, әй умри азиз.
Хар неники севмак ондин ортуқ булмас,
Ондин сени куп севармен, әй умри азиз /2, 752/

Жолма-жол аудармасы:

Фазиз өмір артықсың жанымнан да,
Фазиз өмір артықсың арымнан да.
Сен сүйдім бәрінен артығырақ,
Фазиз өмір артықсың бәрінен де.

[Аударма автордікі]

Науай - оптимист шайыр. Ол өмірді сүйген және оның жақсы болуын, адамдардың бақытты өмір сүруін армандаиды /4/.

Жоғарыда келтірілген рубаида өмірді жанынан артық сүйетіндігін, еш нәрсені де сондай сүйіп көрмегенін айтады.

Төрттаған а-а-б-а дәстүрлі үйқасымен жазылған. Өлеңде «жондин», «сондин», «ондин» сөздері өзара үйқасып тұр. Ал үйқасатын тармактардың сонынан келіп отыратын «куп севармен» сөзі өлеңнің үйқасын арттырып, көркемдігін көтеру әрі сол сөзге ерекше мән беру мақсатымен қолданылады. Бір сөздің бұлайша қайталанып отыруы «редиф» деп аталады. Демек, бұл төрттағандағы «куп севармен» редифі өлеңнің үйқасын арттырып қана қоймай, оған әуендейлік, эмоциональдық ренқ беріп, өкірманнаның назарын сол сөзге аударады.

Науай өз заманының сөз зергері, сөз шебері болған. Парсы-тәжік әдебиетінде Фирдоуси, Низами, Сағди, Хусрау Дехлави, Хафиз, Руми, Жәми сияқты ақындар болған. Ал түркі әлемінде Науай шығармалары алғашқы туынды болып есептеледі. Себебі оған дейін мұндағы ақын түркі әдебиетінде болған емес. Сондықтан Әлішер Науайды жаңашыл ақын десек қателес-пеген боламыз.

Науай заманында өмір сүрген, онымен хат алысып—берісken, Үндістан елінің патшасы Захираддин Мухаммад Бабыр рубай жанрында мейлінше мол қалам тербеген деп, жогарыда айтып өткен едік. Бабыр - патша болып ел басқарса да әдебиет саласында көптеген еңбектер жазған. Мысалы:

Ахбоб ийгилмоқны фарогат тутингиз,
Жамиятингиз борини давлат тутингиз.
Чун гардиши чарх будуур, Тенгри учун,
Бир бирни неча куни ғанимат тутингиз ! /3, 166/

Жолма- жол аудармасы:

Достар жиналғанын рахат деп білің,
Ауыз біршіліктің борін дәүлет деп білің.
Уақыттың өтуін бір Тәнірі үшін,
Бір – бірінізді неше күн болса да ғанибет білің.

[Автор аудармасы]

Бұл рубаида Бабыр достардың қадірін, ауызбіршіліктің маңызын, уақыттың өтуін, бірбірін әрқашан ғанибет көру керектігін айтады. Яғни, шайыр өз өлеңінде философиялық ой қозғап, уақыт өтіп озып кете беретінін, достық, өмірге деген махабbat сезімдерін қадірлеу-қастерлеу керектігін паsh етеді. Ақынның көтеріп отырған негізгі мәселесі де осы - өмірге деген сүйіспеншілік. Екі ақынның айтар ойы, негізгісі де - өмірге деген махабbat сезімі. Шындығында да уақыт өте береді, ал айналымыздағы достар, құрбы-құрдастар, біз сүріп жатқан өміріміз бір күні бізben қоштасары шұбәсіз. Сондықтан әр күнімізді, әр минутымызды алтын деп біліп, бір-бірімізді ренжітпей, бақытты, қызықты етіп өткізуіміз керек деген ойға баруымыз анық.

Рубай табиғатында ерекше орын алатын тақырып – философиялық ой-толғам. Рубай жанры ақыннан үлкен дарынды шеберлікті талап етеді. Науай рубайларын оқыған кезде ұлы дана философ көз алдымызға келеді.

Ким истаса салтанат саходур анга шарт,
Хар вадаки, айласа, вафодур анга шарт.
Ким факир талақ қылса фанодур анга шарт,
Оллиға неким келса ризодур анга шарт /2, 756/

Бұл төрттағанда ақын жұз тармақтан тұратын өлеңдегі пікірлерді жүйелі түрде төрт қатарға сыйғызған.

Жолма-жол аудармасы:

Сарайға ие болу үшін ең алдымен мейірімді болу керек. Әрбір уәдеге тұрақты болу керек, Кім пакырдан талап етсе, пана болу оған шарт, Алдына не келсе соған разы болу керек.

[Автор аудармасы]

Тұпнұсқадағы төрттаған а-а-а-а түріндегі таранаи рубай. Бірінші тармақта сарайға яғни

патша сарайына ие болу үшін ең алдымен мейірімді болу керек дейді. Ақынның өлеңі ханға қарай айтылған секілді. Екінші тармақ әрбір уәдеге тұрақты болу керек дейді. Ақынның осы мисрасы ғибратли сөз сияқты. Бір тармақта тұрып өздігінен дербес мағына береді. Уәдеге патша болсын, кедей болсын, барлығы да тұрақты болу керек дейді. Сондықтан рубайды оқыған адам, өзінше ой тұжырымдан қорытындылайды. Шайыр өз өлеңінде патша өзі берген уәдені халық алдында орынданай алу керек деген ой түйеді.

Атальыш туындыда жазушы күнделікті өмірдегі адамдар қарым-қатынасындағы көрінетін кейбір жағымсыз мінездерді, жаман әдептер мен былапты сөзге дағдыланып кеткен қылыштарды сөз етеді.

Қандай бір өнер саласы болмасын, дәстүр мен жаңашылдық ешқашан маңызын жоймайтын мәселе. Уақыт пен кеңістік өзгергенімен, өмірде қалап алынған пәлсапалық танымы терең ғасырларға жететін құбылыстар, өзінің ізінен қалыптасқан бір жолды қалдырып отырады. Ол уақыт өте келе дәстүрлі, нағыз бастау бұлакқа айналады. Өзгелер осы дәстүрді үйреніп, соның нәтижесінде өзге де бір жана құбылыстарды дүниеге алып келеді. Дәуірдің талабына қарай ол - ең озық, жаңашыл танымды қалыптастырады. Алайда шығармашылық даралықтың қалыпта-сүйінде белгілі бір логика, заңдылық бар. Сол сияқты Науай шығармашылығы түркілік ортада болсын, әлем әдебиетінде болсын, өзіндік ерекшелігі бар.

Белгілі профессор А.Хайтметов: «Науай рубай жанрында өзінің ақындық шеберлігін толық көрсетті және әрқалай идеяны көркемдік тәсілдер арқылы оқушыға таңқаларлық дәрежеде әсерлі етіп бере алды» дейді.

Науай және Бабыр рубайларының үндестігі қай тақырыпта болмасын сәйкес келе береді. Оны төмөндегі төрттағандардан көреміз:

Андин бериким қошимда ерим йуктур,
Хижронда жуз нолои зорим йүктур.
Дашт узра куюн каби қарорим йүктур,
Саргашалигимда ихтиерим йүктур /3, 751/

Жолма- жол аударма:

Біраздан бері қасымда жарым жоқ,
Қайғыдан жұз нала зарым жоқ,
Шөл далада құйын секілді шешімім жоқ,
Еріксіз шөл сахара да қанғырып жүрмін.

[Автордың аудармасы]

Қай ақын болмасын өз болмысын өзінің лирикалық кейіпкері арқылы береді. Сол арқылы сездіреді. Лирикалық тұлға көзқарасының дәуір шындығымен астасып жатуының бір сыры сонда. Яғни, лирикалық тұлға дегеніміз – ақын-

ның бүкіл шығармашылық ғұмырында айқындалатын бейне болса, лирикалық кейіпкер жеке кез келген мәтіндік бөлшекте және лирикалық өлеңде көрініс тапқан авторлық дербес сананың көркемдік түрпаты.

Науай лирикасының ерекше орны, өзіндік өрнегі бар асыл қазына екендігі белгілі. Жоғарыда берілген Науай төрттағанына еліктеп Бабыр назира дәстүрі бойынша төмендегідей рубай жазды:

Күпдин бериким еру диерим йуктур,
Бир лахзау бир нағас қарорим йуктур
Келдім бу сори уз ихтиерим бирла.
Лекин борурумда ихтиерим йүктүр /3, 163/

Жолма жол аудармасы:

Көптен бері жарым жок,
Бір мезетте бір уақыт шешімім жок,
Келдім бұл жерге өз еркіммен.
Бірак оралуда еркім жок.

[Автор аудармасы]

Бұл рубаида Бабыр көптен бері жары жок екенин. Бір мезет болса да жүзінде құлқі жүрмейтінін. Үнді еліне өз еркімен барып алды, туған жеріне оралуга өз еркінің жоқтығын жырлайды.

Аталмыш рубаидың ақын өмірімен байланысты екенине еш шүбә келтіре алмаймыз. Бабырдың Отанынан жырақта жүріп, өз иеліктері үшін нәтижесіз күрес жүргізгені белгілі. Тұған елден аластатылған ақын жан тебіренісін, сағынышы мен мұнын монолог негізінде көркем бере білген. Өзбек жазушысы Пірімқұл Қадировтың «Жұлдызды тұндер» атты романында былай деп жазады: «Ибраһим Лолидің шешесі Бабырды өлтірмек болып у бергенде, бір жылдай Бабыр қатты ауырады. Осы уақыттарда жаны ауырып, мазасы болмай, көңіл еш нәрсе қаламай жүрген шағында көп өлеңдер жазып, мұнын өлеңмен бөліседі. Жоғарыда жазылған рубай – оның анық дәлелі бола алады. Бабыр тек қана назира дәстүрін ұстанған ақын ғана емес, рубаиды нақышына келтіре жырлаған ақын. Оның өлеңдерінің мазмұны терең, философиялық ой қозғайтын бір новелла секілді.

М.Хаккуловтың пікірінше, Бабыр ғазалдағында да, рубайларында да өмір, бақыт пен махаббаттың жыршысы ретінде көрінеді.

Бабыр өлеңдерінде көтерілген сан-салалы тақырыптарды жинақтай келе, М.Хаккулов

рубайларды шартты түрде екіге бөліп қарастырады:

1. Дәстүрлі тақырыпта жазылған төрттағандар

2. Белгілі бір жағдайға байланысты жазылған рубайлар.

Ғалым Бабыр шығармашылығында екінші арнаның басым түсетінін ерекше атап көрсетеді /5/. Жоғарыда талданған екі рубай, үлкен арна ретінде көрінетін қасиет Науай мен Бабырдың өздері жете танып білетін, өзі көрген, өз жүрегімен сезінген жайларды ғана жазатындығына көз жетеді. Өмірде ақынға тақырып болмайтын құбылыс жоқ. Әңгіме сол құбылыстың ішіне үңіле қарап, сырын ашу керек қой. Міне, ақындар өлеңінде осы бір табиғи қалпында бейнелейтін көркем шежіре деуге болады. Олардың өлеңдерін өмірдің өзінен көшө қалған шежіре деуге болады.

Олардың өзі көрген, өздері жақсы билетін жайларды ғана тереңнен толғайды. Өздерін толғандыратын тақырыбының ішіне бойлай еніп, оны ұтымды жаңа бейнелер арқылы әсерлі етіп беру олардың басты ақындық шеберлік қасиеттерінің бірі.

Науай және Бабыр рубайларының үндестігін келтірілген төрттағандардан көрдік. Олардың идеялары, стильдері де бірдей екендігі өз-өзінен анық көрініп түр. Шайырлардың рубайларында адамның адамға деген мейірім нұры байқалып түр. Өмір сабактарынан көп дәріс алғандықтан оқырмандарға қарай насиҳат айтқандай, ауызбіршілікке, ынтымақтылыққа шакырады.

1. Бертельс Е.Э. История-таджикской литературы. - Москва, 1960.
2. Науай А. Хазаинул маони. I том.- Ташкент 1959.
3. Бабур З.Б. Сочининг Савдоси тушти. -Ташкент, 2007..
4. Маллаев Н. Узбек адабиети тарихи. -Укитувчи, 1986.
5. Ҳаққұлов И. Узбек адабиетида рубай. -Ташкент. УзССР. «Фан» нашириети, 1981.
6. Исматова С.М. Шығыс халықтарының әдебиеті. - Тараз, 2003.
7. Құмісбаев Ә. Иран әдебиетінің тарихы. -Алматы, 2009.

В статье рассматриваются сходства великих классиков Востока Науай и Бабур в жанре рубай.

The article told us about resemblances of great classics Nauai and Babur's «rubai» genre.